

СЁЗЛЮК

А

Абдест – (юнан. *баптисма*) Эски Васиетте, бутонлай сувгъа батырылып, я да эль-аякъ ювып, темизленюв адetti. Еудийлер эр бир арам шейге ве арамлангъан адамгъа тийген сонъ, къолларыны, чанакъларыны ве урбаларыны юва эдилер. Сувгъа Батырып Чыкъварыджы Ягъя, Исарайль халкъыны бойле абдестке чагъыра эди. Исанынъ тирильгениндөн сонъ, шу сёз месихчилерниң джемиетине къошулувны косытере эди.

Ад – къадимий заманларда еудийлер адамнынъ адынен онынъ барлыгъыны багълай эдилер. Рухий еудийлер Алланынъ адыны айтмайып, Онъя сыкъ «Шем» яни «Ад», дей эдилер (Инджиль: Матта 6.9; Лука 11.2). Эски иманлылар топлашувларында Исағъа да шойле дей эдилер (Инджиль: Фаалиет 4.12; 5.28).

Акъсакъаллар – (юнан. *пресбютерой*) Исаильнинъ энъ урметли ве зенгин адамлары. Олар Ерусалимнинъ Юксек Шурасына ве ерли синагогаларнынъ шураларына кире эдилер. Месихчилерде де акъсакъаллар бар эди. Башта энъ къарт сойлары эди, сонъ джемиетте урмет къазангъан ве акимлик япкъан адамлар олды.

Алла – екяне, хайырлы, эр шейге кучю еткен Яратыджы ве бу дюньянынъ Акими. Алла эр вакъыт бу дюньяда арекет эте. О, Озюнинъ хайырлы ве сербест ирадесини дюньягъа кетире. Онъя ич кимсе кедер этип оламай. Алла адамдан севги ве ибадет беклей. Булар, адам Алладан алгъан яхшылыкъларнынъ джевабы олмакъ керек.

Алланы бильмеген адамлар, путперестлер – Екяне Аллагъа иман этмеген адамлар. Олар чокъ путларгъа ве адам къолунен

япылгъан чешит шейлернинь къыяфетине табына эди. Еудийлер бутюн этрафтаки халкъларгъа бойле дей эдилер, чонки о девирде тек олар Екяне Аллагъа ибадет эте эдилер.

Алланың Огълу — Эски Васиетте рухий шахыслар ве Исаиль-нинь падишаларына «Алланың огълу» дей эдилер. Эр бир инсафлы адамгъа да бойле айтмагъа мумкун эди. Лаф тек рухий огъуллар акъкъында эди. Путларгъа иман эткенлер исе озъ путларының огъуларыны джынсий муамеле нетиджесинде дюньягъа кельгенлери биле эдилер. Янъы Васиетте, Иса сувгъа батырылып чыкъкъанда ве корюнишини денъиширгенде, Алла Онъя «Огълум» дей. Алланен Исаның мунасебетлери дюньяда ич бир адам ичюн олмайджакъ шей. Исадан гъайры ич бир адам Коктеки Бабанен бойле мунасебетлерде олмады.

Алланың Падишалыгъы — Алланың акимлиги, Оның укюмдарлыгъы. Алла, дюньяның Яратылжысы ве Укюмдары олгъаны ичюн, эр вакъыт оның Падишасы эди. Амма бир вакъыткъа къадар О, Иблиске ве Аллагъа къаршы чыкъкъанларгъа озъ истекленине коре яшамагъа рухсет эте. Мукъаддес Языларгъа коре, ойле вакъыт келеджек ки, Алла Озъ Укюмдарлыгъыны къатты этип къояджакъ. О вакъыт, Онъя иман эткенлер Алланың Падишалыгъына кирдежек ве укюм этмеге ярдым этеджеклер.

Алланың Сарайы — Ерусалимдеки Сарай тек буюк эди. Оны балабан беяз мермер ташларның устюндөн алтын къаплап къургъанлар. Сарайның дөрт азбары ве Энъ Мукъаддес Ери бар эди. Анда руханийлерден гъайры ич кимсе кирмей эди. Энъ буюк тыш азбарына «чешит тюрлю халкъларның азбары» дей эдилер. Шу ерде къурбанлыкъ ичюн керек шейлер: шарап, ягъ, туз ве айванлар (бугъалар, къойлар ве гогерджинлер) сатыла эди. Башкъа миллетлернинь велилери тек бу азбаргъа кире эдилер. Экинджи азбар — къадынлар азбары, анда къадынлар кире эди. Исаиль халкъының азбарына олар кирсетильмей эди. Руханийлер азбарына исе руханийлерден гъайры ич кимсе кирсетильмеген.

Алланың Сарайыны Янъыдан Эляллав Байрамы — (еуд. Ханука) Аллагъа иман этмеген Антиох Елифан падиша Сарайны арам

этти. Миляттан эвель 165 сенеси Сарайны янъыдан эляллап, Алла-гъя багъышладылар. Байрам Кислёр (декабрь) айынынъ 25 башла-нып, 8 кунь девам эти эди.

Алланынъ Сёзю – Мукъаддес Китапта бир де бир пейгъамберниң хабери я да Язынынъ ады. Алланынъ Сёзю Алланынъ Озиони косътерген бельгидир. Шунынъ ичюн Юханнен берильген Инджильде Иса Месих «Алланынъ Сёзю» деп адландырыла.

Арам рух, яман рух, джин – Иблиснинъ къулу. Арам рухлар адамларны тюрлю хасталықъларға оғърата, эксериетнен акъылыны ала эдилер.

Ахирет куню – бу дюньянынъ тарихы битеджек кунь. Чокъусы еудийлер, шу куню эвель ольген адамлар тириледжегине инана эдилер. Соңы эписи Алланынъ укюмине барып, озылерининъ яшайшларына эсабат береджеклер. Янъы Васиет буны тасдыкълай, лякин ич бир адам бу мажкемеде озюнинъ инсафлы ишлеринен акъланып оламайджагъыны къайд эте. Тек Иса Месихнинъ къурбанлыгъыны къабул эткен адамлар акъланып оладжакълар.

Аштан вазгечюв – къадимий заманларда къыскъа бир вакъыт ичинде, адетиндже бир кунь девамында аштан бутонлей вазгече эдилер. О вакъыт адамлар гъамлы олып, тёвбе эттилер. Бир йылда бир күнүнде – Одеме Куню (сүд. Йом-Киппур) – эр бир адам мытлакъ аштан вазгечмек керек эди. Бу, Мукъаддес Язынынъ эмири эди. Амма фериселер инсафлы олгъянларыны косътермек ичюн, афтада эки кунь (базарэртеси ве джумаакъшамы) аштан вазгече эдилер.

Б

Баш руханий – Ерусалимдеки Сарайнынъ баш руханий. Исанынъ вакътында Каяфа баш руханий эди. О, 18 сенесинден 36 сенесине къадар хызмет этти. Ондан гъайры башкъа руханийлere де «баш руханий» дей эдилер.

Бельги, я да алямет – табиатта сийрек расткельген ал, буюк вакъиалар оладжагъыны косътере эди. Инджильнинъ муэллифлерinden бири Юхан бу сёзни башкъа манада къуллана. Онынъ язгъанына

коре, бельгилер — Исанынъ япкъан аджайип шейлери, олар Алланынъ Падишалыгъты келеяткъаныны косътере эдилер.

Берекет Байрамы, Афталар Байрамы — «элли кунь байрамы», я да Биринджи Мейвалар Куню. Песах Байрамындан 7 афта кечкен сонъ кечириле эди. Бу байрамны «Синай дагъында берильген Къанун» байрамы киби къайд эттилер. Шу куню тек Фелестинде яшагъан дегиль, башкъа ерлерден де бутон еудийлер Ерусалимге кельмеге арекет эте эдилер. Исанынъ биринджи шегиртлери Берекет Байрамында Мукъаддес Рухъя толдылар.

Беэльзебул — арам рухларнынъ башлыгъы я да Иблиснинъ ады.

Биринджи огъул, биринджи махсул — къадимий заманларда биринджи огъуллар, биринджи эв айванлары ве биринджи махсул Аллагъа багъышлана эди.

B

Васиет — Синай дагъында Алла Мусанен бутон еудий халкъына васиет берди. Алла, еудийлерге яхшылыкъ япаджагъында, оларны душманлардан къорчалайджагъында ваде берди. Амма еудийлер де Онъя садыкъ олып, Къанунда язылгъан Алланынъ ирадесини беджермек кереклер. Бу Васиетке, онынъ яптылмасы акъкъында тариф эткен китаплар топламына «Эски Васиет» дейлер. Пейгъамберлер, Алла адамларгъа «Янъы Васиет» береджеги акъкъында айта эдилер. Бу Васиет Иса Месихнинъ олуми ве тирилови аркъалы яптылгъаны акъкъында Инджильт китабында икяе этиле. Бу Васиет акъкъында Янъы Васиеттинъ китаплары тариф эте. Энди Алланынъ халкъы — догъгъан ерине бакъмайып, Месихке иман этип, Онынъ огретювина коре яшагъан адамларнынъ эписи.

Ветанпервер — Рим императорлыгъына къаршы Фелестин топрагъында силянен курешкен еудий диний-миллетчилер фыркъасынынъ азасы. Исанынъ эльчисинден биринингъ лагъабы да «Ветанпервер» эди.

G

Галилея — Фелестиннинъ шимали. Чокъ асырлар девамында башкъа халкъларнынъ къолунда олгъаны ичон, Галилеяды Алланы бильмеген

адамлар чокъ эди. Еудиенинъ сакинleri галилеялыларгъа юкъарыдан бакъа эдилер. Галилеянынъ Назарет шеэрчигинде Исанынъ яшлыгъы ве генчлиги кечти. Мында О, чокъ аджайип шейлер япты.

Галилея голю — Фелестиннинъ шималинде ерлешкен буюк голь. Эски вакъытларда буюк голлерге оларнынъ буоклиги ве анда фуртуналар олгъаны ичон эксериетнен «денъиз» дей эдилер. Шу гольнинъ даа бир ады «Тиберия голю», онынъ гъарбий ялысында ерлешкен шеэрнинъ адынен багълы.

Гетсимани — «зейтюнлер басылгъан ер», къадимий Ерусалимнинъ диварларындан 1 км узакълыгъында, Зейтюн дагъынынъ этегинде ерлешкен зейтюн багъчасы.

Гунакъяр — Алланынъ эмирлерини бозгъан, я да бир де бир мана тапып, озъ элял алларыны бозгъан адамлар. Ондан гъайры, базы зенаатлар да гуналы сайыла эди (мес. салым топламакъ).

Д

Давут — Шаулдан соң олгъан падиша. Израильнинъ экинджи ве энъ мешур падиашасы. Тахтъа миляттан эвель 1000 с. отурды. Давут Израильни буюк девлет ве Ерусалим шеэрини Израильнинъ пайтахты япты. О, кучльо аскер ве улу шаир эди. Давут, Эски Васиетнинъ, Аллагъа айттылгъан йырлар — Зебур китабынынъ муэллифлерinden бири эди. О, Аллагъа яхшы хызмет эткени ичон, Алла тек онынъ эвляттарына Израиль тахтыны береджегини сёз берди. Еудий пейгъамберлери де, келеджекте буттон дюнъянынъ Падиашасы, Месих (юнанджа «Христос»), Давутнынъ сою оладжагъыны айта эдилер. Шунынъ ичон Исағъа даа «Давутнынъ Огълу» («Давутнынъ Эвляды») дей эдилер.

Давут Огълу — Израильде бекленильген Алланынъ Месихи. О, Давутнынъ союндан оладжагъына инангъанлары ичон, Онъа «Давут Огълу» дей эдилер (Инджиль: Матта 1.1; 12.23; 15.22; 21.9,15).

Дженнет — (юнан. παραδεῖσος; еуд. эден; рус. эдем) Алла яраткъян багъча. Башланув Китабында дженнет ер юзюнде ерлеше эди. Соң дженнет сёзюни коклерде иманлылар баҳтлы олып раатлангъан ер, деп анълай эдилер.

Джеэннем — (еуд. *ге-хинном*, я да Гинном вадий) Ерусалимнинъ якъынларында ерлешкен вадий. Эвельден шу ерде чёплюк ве къалымты якъа экенлер. Соңунда бу сёзниң манасы гуналыларның олюминден соң азап чекеджек ерини анълата.

Дин къардашлары — иманлылар эксериетнен бир бирине «дин къардашлары» дейлер. Бунен, Алла оларның бир Бабасы олгъяныны косытерелер. Олар бир бирини къайгъырып, севги ве бир къоранта ичинде яшайлар.

Динар — Рим императорлыгъының кумюш парасы. Бу акъчаларның устюндө императорның ресими оюлгъан эди. Иса Месихнинъ девринде бир динар адий ишчининъ бир куньлюк къазанчы эди. Динарның фияты драхмагъа тенъ эди.

Ё

Ёл (Раббининъ ёлу, Алланынъ ёлу) — месихчилернинъ джемиетининъ эрте адларындан бири.

З

Зейтюн дагъы — къадимий Ерусалимден шаркъкъа 1 км узакълыкътаки байыр. Мукъаддес Языгъа коре, бу байыр соңыки суд этов ери оладжакъ.

И

Иблис — (юнан. *диабол*, «ифтираджы») Шейтаннынъ ады.

Ибраим — Израиль халкъының баба-дедеси. Ибраим биринджи олып, бирден-бир Аллагъа иман этти. Алла онъа Озъ Васиетини ве онынъ эвлятларына Озъ ваделерини берди.

Ильяс — Эски Васиетнинъ пейгъамбери. Ильяс чокъ аджа-йип шейлер япкъан. Алла оны даа сагъ олгъанда кокке алгъян. Мукъаддес Языгъа коре, Ильяс ерге къайтып, Алланынъ Месихине ёл азырлайджакъ эди. Сувгъа Батырыджы Ягъя Къуванчлы Хаберни «Ильясның руху ве къудретинде» илян эте эди.

Иман — Аллагъа инанмакъ, ишанмакъ ве бутюнләй Онъа садыкъ олмакътыр. Иман тек Алланың олғанына инанмакъны дегиль де, Аллагъа олған бутюнләй садыкълыкъыны ве ишанчны, Онның ирадесини беджермеге истекни анълата. Соң «иман» сёзюнинъ даа бир манасы пейда олды: «иман огretови».

Иманлыларның топлашуви, месихчилернинъ джемиети — (юнан. экклесия) Яңыы Васиетте ерли иманлыларның топлашуви ве бутюн Алланың халкъы топлашкъяны. Ич бир ерде бу топлашувларның бинасы акъкъында сөз юрсетильмей.

Император — Рим императорлыгъының баш укюмдары. Айры вилятлернинъ акимлери ве падишалары (меселя, Пилат ве Ирод) онъа бойсuna эдилер. Биринджи императорның ады Юлий Цезар олғаны ичон, башкъаларына да «кесар» дей эдилер.

Инсан Огълу — Иса Озю акъкъында айткъанда, сыйкъ-сыкъ бойл ибарени къуллана эди. Эски Васиетнинъ китапларында бу сөз бирикмеси «адам, оледжек шахыс» маналарында къулланыла. Амма апокалиптик эдебиятында ве шахсен Даниял 7—9 Инсан Огълу — юксек ве сырлы шахыс. О, Алланың халкъы олған Исраильни косытере. Инсан Огълу булутларның устюнде юре, Онъа акимлик, шурет ве Падишалыкъ берильген.

Инсафлыкъ — Алла инсафлы, демек Онның бутюн арекетлери акъикъат ве адалетке эсаслана. Яңыы Васиетке коре, адам, тек Алла оның гуналарыны багъышлап, Озюнинъ инсафлыгъыны багъышлагъян соң инсафлы ола (бунъя даа «акълама» дейлер). Адам озю де, Алланың ирадесини беджерип, озъ ишлеринен инсафлыкъка ынтылмакъ керек.

Иродның тарафдарлары — еудий фыркъасы, Ирод Антипаның сиясий укюмине къол тута эдилер. Оларның чокъусы динден узакъ адамлар эди.

Иса — (еуд. Ешиа, Еши; «Ехощуа» адының къыскъартылгъан шекили) биринджи асырда Исраильде энъ чокъ даркъалгъан еудий адларындан бири. Онның манасы — «РАББИ къуртара».

K

Кинаели икяе — еудийлернинъ адетинде тек акъыл огреткен къысъкъа икяе дегиль де, аталар сёзлери, айтымлар, тапмаджалар, къанатлы сёзлер, икметли сёзлер, аллегорияларгъа да «кинаели икяе» дей эдилер (мес. Сулейманнинъ «Икметли сёзлер» китабы). Кинаели икяе — кенълешкен къыяславдыр, о, эр вакъыт тапмаджа, тасавур этов усууллары къулланыла. Оны анъламакъ ичон башыны чалыштырмакъ керек. Кинаели икяелер Шаркъта кенъ даркъялған эди. Кинаели икяе уйдургъан ве анълагъан адамларгъа «икметли» дей эдилер.

Кок Падишалыгъы — бакъ. «**Алланынъ Падишалыгъы**».

Кок, Коклер — къадимий адамларнынъ тасавурына коре, къатты кок къуббеси устюнде Алланынъ мескени турған эди. Еудийлер инсафлы дүйгүулар иле Алланынъ Адыны айтмайып, «Алла» сёзиуни «Кок» ве «Коклер» сёзлеринен дөнъиштире эдилер.

Kъ

Къанун оджалары — Мукъаддес Языны, биринджиден Муса-нынъ Къануныны теренден ограйнип, анълаткъан адамлар. Эксери-етнен олар фериселер эди.

Къанун, Мусанынъ Къануны — Синай дагында Алладан Муса пейгъамберге берильген. Бутюн Исраиль халкъы ичон бу Къанунны беджерильмеси шарт эди. «Къанун» Тевраткъа да дей эдилер. Базыда бутюн Эски Васиетке (Теврат, Зебур ве Пейгъамберлернинъ Язылары китапларына) «Къанун» я да «Къанун ве Пейгъамберлернинъ Язылары», «Мукъаддес Язы» дей эдилер.

Къолларыны къоюв — еудийлернинъ адетлерине коре, адам, бири-сининъ башына къолларыны къойып, онъа озь кучиони я да акимлигини бере эди. (Теврат: Башланув 48.18). Янъы Васиетте, къолларыны къоймакъынен тедавийленнов (Инджиль: Марк 5.23; Фаалиет 28.8), разылыкъ (Инджиль: Матта 19.13,15), бир де бир ишке тайинлев (Инджиль: Фаалиет 6.6) ве Мукъаддес Рухны бернов багъылар (Инджиль: Фаалиет 8.17-19; 9.12,17; 19.6).

Къуванчлы Хабер — (юнан. эвангелион) козъайдын, башта яхши мұжденинъ ады, оны кетирген адамға баҳшыш бере әдилер. Соң Алла инсаниетке Иса арқылы къуртулыш береджеги акъкъындағи хаберге «Къуванчлы Хабер» деп башладылар.

Къурбан ери — бир тёпелик, онынъ устюнде къурбан чалынгъан айванларнынъ бутюнини я да бир къысмыны якъа әдилер. Къурбан ери эксериетнен ташларнен япыла әди, алма Корюшов Чадырында еринден авуштырмагъа мумкун олғыан, тахтадан япылып демирнен къаплы сою бар әди. Ондан гъайры маҳсус къокъулы отларны якъемакъ ичион, демирден япылғыан күчук къурбан ерлери де бар әди.

Къурбан чалув ве баҳшыш кетириюв — Мусанынъ къануны боюнда еудийлер Аллагъа къурбан кетире әдилер. Айванны сооп, бир къысмыны я да бутюнлей къурбанлықъ ерине къоюп якъа әдилер. Эгер эт къалса, оны адамлар озылери ашай әдилер. Мусанынъ заманындан башлап, Алла, къурбанлар тек бир ерде кетирильгенини талап эте: башта Корюшов Чадырында, соң Алланынъ Сарағында. Къурбан чалмагъа тек руханийлернинъ акъкъы бар әди. Айванлардан гъайры, отымек, шарап, зейтюн ягъы, берекетнинъ бириндже мейваларыны баҳшыш оларакъ кетире әдилер. Къурбанларнынъ ве баҳшышларнынъ бир къач чешити бар әди: гунадан темизленмек ичион, Алланынъ яхшылықълары ичион, сёз бергенни ичион, озы истегинен кетирильген къурбан я да баҳшыш. Бойле къурбанлар ве баҳшышлар — Алланен бирлікте адамнынъ ашагъан ашы киби әди. Ондан гъайры, руханийлер ве левийлилер бу ашларны ашап яшай әдилер. Янъы Васиетте Иса Месих хач устюнде эляк олып, бутюн инсаниет ичион кетирильген къурбан олды.

Къуртарыджы — Эски Васиетте, Израиль халкъыны Мысыр эсиринден къуртарғын Аллагъа «Къуртарыджы» дей әдилер. Соң месихчилер бу адны Иса Месихке бердилер, чонки О, Озюнинъ къурбанлықъ олюминен, Онъя иман эткенлерни гуна ве олюмукомдарлығындан къуртарды.

Къуртулыш — Мукъаддес Китапта бу сёз Алла адамға я да бутюн халкъқа япкъан ярдымыны, оларны телюке ве душманлардан къуртарғынны аңылата. Алма баш манада къуртулыш — иманлыларнынъ

бутюн гуналарындан къуртулышы, Алланен мунасебетте булунмакъ ве эбедий омюр алмакътадыр. Яңыы Васиетке коре, Иса Месихнинъ хач устюнде ольгени ве тирильгени адамларгъа бу имкяны бере, ве эр бир адам Месихке иман этип къуртулыш ала.

Л

Левийли — Левий къабилесинден олгъан адам. Бу къабиленинъ адамлары Алланынъ Сарайында хызметте булуна, руханийлерге ярдым эте эдилер.

Лепра хасталыгъы — къадимий заманларда эр бир тюрлю агъыр тен инфекцион хасталыкъларнынъ ады. Бойле хасталыкъка оғъра-гъан адамлар джемиеттен къувула ве арам сайыла эдилер. Эгер хаста тедавийленсе, оны башта руханий бакъа эди. Соңы, «темиз» олгъаныны тасдыкълагъан адам джемиетке къайтарыла эди.

Лут — онынъ эмджееси Ибраим эди. Эски Васиетте Лут — Содом шеэринде яшагъан бир инсафлы адам. Алла бу шеэрни гуналы сакинлерининъ башына атешнен күкорт ягъмурыны ягъдырмаздан эвель, Лутны къуртарды.

М

Маясыз Пишкен Пите Байрамы — Песахнынъ пешинден кельген еди куньлюк байрам. Бу байрамда исраиллилер тек маясыз пишкен пителер ашай эдилер.

Месих — (еуд. *Машиах*; юнан. *Христос*; рус. *Мессия*) Давут сюлялесинден олгъан, чокъ бекленильген падиша. Еудийлерниң риаетлерине коре, бу падиша эджнебийлерниң зулумыны енъип, Исраильниң эвельки къудретини тиклейджек эди. О, вакъытларнынъ соңында, Алланынъ Падишалыгъы кельмезден эвель келип, Алланынъ халкъынынъ ер юзүндеки душманларыны енъип, гуналардан къуртулышны береджек. Онынъ кельгенинен, баҳтлыкъ, боллукъ ве Алланен барышыкъ келеджек.

Месихчи — Иса Месихнинъ тарафдары, Оны озы Къуртарыцжысы киби къабул эткен ве Онынъ огратовине коре яшамагъа тырышкъян адам.

Мукъаддес Рух – Алланың Руху. Онъа, эм Бабасына, эм Огълұна Алланың бүтүн хусусиетлери менсюптири. Яңы Васиетке коре, Иса Месихке иман эткен адамлар Мукъаддес Рухны къабул этелер. О, оларны ортете ве кучь бере.

Мукъаддес Язы(лар) – биринджи месихчилер ичон тек Эски Васиетнинъ китаплары (Теврат, Зебур ве Пейгъамберлернинъ Язылары) Мукъаддес Язы эди. (Бакъ. «Къанун».)

Муса – еудий халқыны Мысыр эсирилгиден къуртартған буюк къараман. Алланың эмирлерини еудийлерге бильдирген ве оларның адындан Синай дагында Алладан Васиетни алғыян буюк пейгъамбер.

Мысыр – Египет, Фелестинден джениубиі гъарп тарафта ерлешкен мемлекет. Къадимий еудийлер анда 400 йыл яшадылар. Мысырлыларның зулумы чокълашқында, РАББИ еудийлерни андан азаттыкъкъа алыш чыкъа.

Мюр – паалы къоқъулы ягъ, джениубиі тереклернинъ сакъызындан азырлана. Оны тибиетте азапларны эксильтмек ве олони дефн эткенде яғъламакъ ичон къуллана әдилер.

H

Назаретли – къадимий заманларда озюни Аллагъа багъышлагъан адам. Бу адамлар адакъ берип, сачларыны къыркъмай ве шарап ичмей әдилер. Инджильде «назаретли» сёзюнинъ манасы Назарет шеэринде дөгъгъан я да яшагъан адам да әди.

O

Олюлернинъ дюньясы – (юнан. Гадес; еуд. Шеол) Мукъаддес Китаптың биринджи къысмында (Теврат, Зебур ве Пейгъамберлернинъ Язылары китапларында) язылғынана коре, адам ольген сонъ олюлернинъ дюньясына тиوشе. Сонъ бу ер, олюлер гуналары ичон джезагъа оғъратылған ер, деп сایыла (Инджиль: Лука 16.23).

Он пайдан бир пайы – яшы эткен еудийлер тарафындан Алланың Сарайына берильген бүтүн келирлернинъ он пайындан бир пайы. О, Сарай, руханийлер ве левийлилер ичон топлана әди.

Он Шеэр — Сурие виляетиндеки Рим акимининъ къорчалавы узеринде олгъан сербест юнан шеэрлерининъ бирлешмеси ве бу шеэрлер ерлешкен топракълар. Шеэр сакинлерининъ чокъусы Алланы бильмеген халкъ эди.

П

Пейгъамбер — Мукъаддес Китапта — Алланынъ адындан лаф эткен адам, Алланынъ хаберджиси ве векили. О, келеджек вакъыт акъкъында айта биле, амма мытлакъ дегиль.

Песах — (еуд. *Песах*) еудийлернинъ энъ муим байрамы, исраиллиерни Мысыр къуллугъындан къуртулгъанларыны анъдыра. Байрам 15 Нисан (март-апрель) айында отъериле.

Пётр — (юнан. *кефа*) таш, къая. Бу лагъапны Иса Озюонинъ шегирти Симонгъа берди.

Р

Раатлыкъ куню — (еуд. *шаббат*) джумаэртеси, ибадетке, Къанунны огренювина ве раатлыкъкъа багъышлангъан кунъ. Аллагъа ибадет этмек ичюн бутюн исраиллиер синагогаларда топлана эди. Раатлыкъ куню эр бир иш япмакъ ве шеэр диварындан бир километрден зияде узакълыгъына кетмек ясакъ этиле эди.

Рабби — Эски Васиетте «РАББИ» унваны тек Алланынъки эди. Лякин Иса Месих де тирильгениндеп сонъ онъа иман эткенлернинъ Раббиси олды.

Равви, Раввуни — «меним улу». Бойле урьметли адамларгъа, эксериетнен оджаларгъа дей эдилер.

Руханийлер — Ерусалимдеки Сарайда Аллагъа хызмет эткенлер. Олар Харуннынъ союндан олмакъ керек эдилер. Руханийлерден пек буюк элял алны талап эте эдилер. Меселя, оларгъа ольген адамгъа тиймеге мумкүн дегиль эди.

С

Саддукій — диний-сиясий консерватив фыркъя. Азаларының эписи акъсакъаллар ве руханийлер эди. Олар тек Мукъаддес Языны къабул этип, ағъзаний адәтлерге къаршы чыкъа эдилер. Фериселерден айырылып, мелеклерге ве оюолернинь тириловине инанмай эдилер.

Салым топлайыджы — эксериетнен еудийлер арасындан альна эдилер; базылары сынъыр кечиов салымы, дигерлери Рим акимиети ичюн салым топлай эдилер. Озъ файдасы ичюн олар адамларның сонъки капигини тартып ала эдилер. Оларны озъ халкъының саткъынлары ве гуналы, яни озъ элял алларыны бозгъян адамлар, деп сая ве нефret эте эдилер.

Самариелилер — Самарие мемлекетининь, башкъя халкъларнен къашкъын сакинлери. Ассурье укюмдарлыгъы заманында Исаиль-нинь шималий къабилелеринден ве башкъя мемлекетлерден кочип кельген халкълар бу ерге сюргүн этильген эдилер. Самариелилер Мусаның Къануныны къабул эте эдилер, амма Гаризим дагъында оларның озъ ибадет сарайы бар эди. Еудийлер ве самариелилер арасында эски тарихий душманлыкъ бар эди. Еудийлер самариелилерни, хусусан къадынларны арам сая эдилер.

Севги — адамгъя олгъян Алланың севгиси къорчалавны ве къуртулышны көзде тута (кимерде тербиевий джеза да олмакъ мумкун); Аллагъя олгъян адамның севгиси Оның ирадесине бойсунмакъ ве Оның эмирлерини беджермекни көзде тута.

Синагога — (топлашув) джумаэртеси иманлыларның топлашуви; сонъ «дува окъулгъян эв». Ерусалимдеки Сарайда къурбан чалына, джумаэртеси исе адамлар синагогаларда топлаша эдилер. Синагогаларда башта дувалар окъула, сонъ Къанундан (Тевраттан, я да Мусаның беш китабындан) ве Пейгъамберлернинь Языларындан парчалар окъуй эдилер, ондан гъайры урьметли ве бильгили адамлар хутбе окъуй эдилер.

Сион — Ерусалим шеэри ерлешкен байырлардан бири. Шуның ичюн «Сион» дегенде, эксериетнен Ерусалим көзде тутула. Кочьме манада исе Алланен бирликте инсафлылар яшагъян коктеки Ерусалим шеэри.

Содом ве Гомора — Олю деньзъянъында ерлешкен шеэрлер. Ибраимнинъ вакътында бу шеэрлернинъ адамлары игренч гуналарындан белли эдилер. Алла оларнынъ устюне янгълан кукорт ягъдырып ёкъ этти. (Бакъ. «Лут»).

Сувгъа батырып чыкъарув — (юнан. *баптисма*) Иса Месихке иман арекети. Эски гуналы омюрнинъ ольгенини ве Месихнен бирликте янъы омюрге ве Алланынъ иманлы джемиетине кирмекни бильдире.

Сюннет — исраиллиер ичюн Алланынъ Васиетини алгъанынынъ ве сайдангъан халкъкъа менсюп олгъанынынъ бельгиси. Эр огъул бала секиз куньлюк олгъанда сюннет этиле, ве шу куню онъя ад бериле эди.

Ф

Фериселер — Мусанынъ Къануны ве агъзавий риваєтерини бүтюнлөй эда этильмесини талап эткен диний фыркъанынъ азалары. Олар чокъ олмаса да, халкъ арасында буюк итибарлары бар эди.

Х

Хабиль — Адем ве Аванынъ экинджи огъуллары. Алла онынъ къурбаныны разылыкънен къабул этип, агъасы Хайннинъ къурбаныны къабул этмегени ичюн, Хайн къардашыны куньлеп, ольдюрди. Инсанитет тарихында бойле джинает биринджи эди.

Хайыр — Янъы Васиетнинъ эсас диний терминдеринден бири. Бу сэзинъ манасы — Алладан адамгъа берильген хайырлы бахшыш. Алла оны бир де бир ишлер ичюн дегиль де, Озюнинь истегинен бере. Шунынъ ичюн хайыр къанундан фаркъ эте. Къанун, Алланен адам арасында ве адамлар арасында олгъан мунасебетлерни, адалетликке коре тертипке къоя: эр бир адам озъ акъкъыны ала. Энъ буюк хайыр — иманлыларгъа ачылгъан Алланен эбедий омюрdir.

Харун — биринджи баш руханий, Мусанынъ агъасы. Израиль халкъында бутон руханийлер тек Харуннынъ несилинден сайланана эдилер.

Хач — Рим императорлыгъында Иса Месихнинъ вакътында энъ агъыр джинает япкъанларны хач устюне мыхлап, оolum джезасына огърата эдилер. Хачны, ерге сокъулгъан дирекке къалын бир тахта

мыхлап, япа эдилер. Джезалангъанларны хачкъа мыхлап, я да багъ-лап, чекишип ольмеге къалдыра эдилер. Бойле джеза энъ къор-къунчлы ве масхаралыкъ джезасы эди. Джинастчи озъ тахтасыны джезаланаджакъ ерине озю алыш бара эди. О вакъытта «озъ хачыны ташымакъ» ибареси пейда ола. Иса Месих хачкъа мыхлангъан сонъ, бу алет къуртульш ве Ондан берильген омюрнинъ бельгиси олды.

Ч

Чадыр (Корюшов Чадыры) — ерини денъиштиромеге мумкун олгъан буюк Мукъаддес Чадыр. Алланынъ эмирине бойсунып, исраиллилер оны ясап, сахрада юргенлери вакътында ташый эдилер. Чадырда Васиет Сандыгъы сакъланана эди. Исраиллиернинъ орду-сында бу ер Алланынъ Эви сайыла эди. Чадыр оғонде еудийлер Аллагъя ибадет эте ве къурбан чала эдилер. Сулейман Ерусалимде Алланынъ Сарайыны къургъан сонъ, Мукъаддес Ер анда коче.

Чалашлар Байрамы — (еуд. Суккот) баба-деделерининъ сахрада юрген вакъытта чалашларда яшагъанларнынъ хатырасына багъышланып отъкерильген байрам. Байрам 15 Тишли (кузынинъ башында) башланып 7 кунь девам эте эди. Ондан сонъ секизинджи кунь — байрам раатлыгъы келе эди.

III

Шейтан — «душман». Башта Алланынъ мелеги олгъан. Сонъ, буттон Аллагъя къаршы чыкъынан кучълернинъ башы олды. Шейтан Алланынъ ишини ёкъ этмеге ве иман эткен адамларнынъ ёлдан урмагъя ве алдатмагъя тырыша.

Шүретленъиз! — (русча «Осанна!», къадимий еудийдже «Хоши-анна!») Бу сөз башта «бизни къуртар» манасында эди, сонъ исе «Аллагъя шукюр!» олды.

Э

Эбедий омюр — Янъы Васиетте эбедий омюр бу дюнъяда ольмегип яшамакъ дегиль де, Алланен бирликте янъы дюнъядаки къасеветсиз омюрдир. Бойле омюр иманлылар ичюн, даа ольмезден эвель, бу дюнъяда башлана. Амма бутюнлей эбедий омюрни иманлыларгъа, оларнынъ ердеки омрю биткен сонъ, Алла багъышлай.

Эльчилер — бир де бир вазиленен ёлланылған адамлар. Инджеильде, Иса Месих сайлагъан он эки адам. Олар Исанынъ энъ якъын шегиртлери ве эльчилири, сонъунда исе Онынъ тирилювининъ шаатлары оладжакълар. Башында он экиден гъайры, Къуванчлы Хаберни даркъаткъан адамларгъа да «эльчи» дей әдилер.

Эски Васиет — эвельден, Алла Синай дагъында Мусадан Израиль халкъына берильген Васиетке «Эски Васиет» дей әдилер. Соңра, месихчилер Теврат, Зебур ве Пейгъамберлернинъ Язылары мұкъаддес китапларыны «Эски Васиет» деп адландырылар. (Бакъ. «**Васиет**».)

Ю

Юксек Шура — (юнан. *Синедрион*; еуд. *Санхедрин*) еудийлернинъ алий диний-сиясий шурасы. Юксек Шура махкеме ишлеринен де огъраша әди. Онынъ әркянына 71 адам: баш руханий, руханийлер, акъсакъаллар ве Къанун оджалары кире әди. Ерли синагогаларда озъ шуралары ола әди.

Я

Янъы Васиет — Синай Васиетининъ ерине кельген Васиет. Янъы Васиет Алланынъ бутын инсанитетнен Иса Месих аркъалы берильген ве Онынъ къурбанлыкъ олюминен пекитильген Васиеттири. (Бакъ. «**Васиет**».)